

Persistenza da Gieus olimpics d'enviern concretisada

Grischun 2022 preschenta il rapport PII/NIV

■ (cp) Il Process PII/NIV davart la persistenza, innovaziun ed ierta da Grischun 2022 cuntanscha emprims resultats concrets. En l'emprim rapport PII/NIV publitgescha Grischun 2022 projects che pon vegnir iniziads suenter in «gea» a la candidatura per gieus olimpics d'enviern. La candidatura vegn suttamessa a moda impegnativa als principis da persistenza ed ils meds dal budget per ils projects PII/NIV vegnan augmentads per 80 pertschient sin 5,2 milliuns francs. Stgars quatter emnas suenter la publicaziun da la «Charta PII/NIV» davart la persistenza, innovaziun ed ierta dat l'Unìun Grischun 2022 uss era pled e fatg davart l'activitad da projects entaifer il Process PII/NIV. La suprastanza da l'uniun ha declarà impegnativ il rapport PII/NIV e cun quai era la Charta PII/NIV. La persistenza daventa qua tras l'element central e determinant da l'entira candidatura per gieus olimpics d'enviern en il Grischun l'onn 2022.

Il rapport PII/NIV preschenta ils emprims resultats da las duas gruppas da lavur «Viver en las muntognas» e «Giuventetgna, sport e valurs olimpicas». En las duas gruppas lavuran raudund 80 personalitads da l'entira Svizra sco spezialists da las pli diversas disciplinas. Els han sviluppa var 30 ideas da projects, da las qualas ins ha ussa pudì preschentar ina tschernha.

Spetgar uss sin in gea dal suveran e dal parlament

Ils projects preschentads tematiseschan la valorisaziun da l'ierta istorica dals gieus olimpics en las Alps, l'engaschament e la promoziun da persunas autamain qualifitgadas en il spazi alpin, l'utilisaziun da resursas virtualas per



Urs Lacotte (amez) ha timunà la grupp dal project «persistenza, innovaziun ed ierta» en favur dals Gieus olimpics 2022 en il Grischun. Pierre-André Weber da l'Uffizi federal da sport (sanester) e Thomas Egger da la Grupp svizra per las muntognas han collavurà.

FOTO G. VENZIN

optimar ils gieus olimpics, l'access dad uffants al sport d'enviern e la promoziun da geners da sport sin glatsch en Svizra, surtut per sportists e sportistas d'elita. Suenter in «gea» dal pievel grischun e da las chombras federalas pon ils projects vegnir sviluppads vinavant e s'effectuar en il chantun Grischun ed en l'entira Svizra.

La grupp da lavur «Viver en las muntognas» vegn manada da Thomas

Egger, directur da la Grupp svizra per las regions da muntogna: «La lavur è stada fitg pretensiusa per tut ils participads, essend ch'i sa tracta d'ina gruppa ordvart eterogena. Cun definir il project han ins stuì guardar da chattar ina buna cumbinaziun d'in pensar a lunga vista e d'ina realisaziun immediata dal project. Jau pens che quai saja gartegia bain.»

Pierre-André Weber da l'Uffizi fede-

ral da sport maina la grupp da lavur «Giuventetgna, sport e valurs olimpicas»: «L'access al sport na duai betg esser in luxus per giuvnas e giuvens da tut las classas socialas, mabain in dretg. Il sport na munta betg mo fitness ed occupaziun durant il temp liber; el intermediescha era valurs impurtantas e scolescha giuvens umans per la vita. En noss projects avain nus perquai cumbinà ils interess dal sport d'elita cun quels

dals sports da giuventetgna e da massa.»

Augmentà preventiv da 2,9 sin 5,2 milliuns

«Las lavurs da las gruppas PII/NIV han pli che accumulà nossas aspectativas», di Tarzisius Caviezel, president da l'Unìun Grischun 2022. «Nus avain perquai decis dad augmentar ils meds dal budget da candidatura per il Process PII/NIV da 2,9 sin 5,2 milliuns francs. La suprastanza da l'uniun ha ultra da quai fatg palai l'intenziun dad accompagnar las lavurs cun stgaffir ina fundaziun PII/NIV independenta ed incumbensà da sclerir ils fatgs correspundents.»

«Cun l'augment dals meds dal budget per 80 pertschient e l'intenziun da constituir ina fundaziun PII/NIV conferma Grischun 2022 l'impurtanza e l'impegn dal Process PII/NIV», di Urs Lacotte, president da la Giunta PII/NIV da Grischun 2022. «Il Process PII/NIV è ina part essenziala da la candidatura Grischun 2022 e vegn a giugar ina rolla fitg impurtanta tar l'attribuziun dal gieus olimpics.»

L'impegn da la Charta PII/NIV e l'impurtanza dals projects PII/NIV ha era la regenza grischuna suttastritgà l'emna passada. En in scriver a la Giunta PII/NIV ha ella affirmà quai ch'ella aveva communitgà gia pli baud, numnadamain ch'ella sustegniva la lavur al Process PII/NIV che saja «ina part elementara» dal concept da Grischun 2022. La regenza veglia «accompagnar stretgmain las lavurs respectivas e las mesiras prendidas per implementar la Charta PII/NIV.»

L'emprim rapport PII/NIV po vegnir telechargià da www.gr2022.ch/downloads.